

Arkiv	Saksbehandlar	Møtedato	Sak nr.
612.1	Knut Øyjordet	14.04.21	18/21

## SPØRSMÅL OM PRISAUKE OG MINDRE JUSTERING AV AVTALE OM FISKEKORT FOR JOTUNHEIMEN

### *Saksdokument:*

1. Sak 21/17 i fjellstyret.
2. E-post frå Lom fjellstyre av 21.01.21.
3. Sak 16/21 i Lom fjellstyre, med forslag til revidert avtale (er vedlagt saka).

### *Saksutgreiing og vurdering:*

Fjellstyret for Luster austre statsallmenning, Lom fjellstyre og Vågå fjellstyre inngjekk i 2010 ei samarbeidsavtale om felles fiskekort for Jotunheimen. Målet var å gje gjestar på vandring i Jotunheimen tilbod om eit felles stongfiskekort for den mest «sentrale» delen av området. I Langmorkje følgjer grensa for Jotunheimenkortet nasjonalparkgrensa. Siste prisjustering var i 2017, og fjellstyret behandla dette i sak 21/17.

Lom fjellstyre som administrerer ordninga, foreslår nå ei prisjustering att, og fjellstyret fatta følgjande vedtak i sak 16/21:

*Lom fjellstyre godkjenner forslag til revidert avtale for fiskekort Jotunheimen med desse tillegg til avtala frå 2017:*

*Justering av avtala frå 2021:*

- *Prisen på fiskekorta kan årleg aukast med auken i konsumprisindeksen så lenge ein ikkje overstig gjeldande prisramme.*
- *Digitalt kart over gjeldande område er tilgjengeleg på Inatur.*

*Prisen på fiskekort Jotunheimen gjeldande frå 01.04.21 blir:*

*1-døgn kr. 95, 3-døgn kr. 190, veke kr. 320, sesong kr. 640.*

*Avtala blir sendt til godkjenning hjå dei andre fjellstyra, og blir gjeldande om ingen fjellstyre går imot.*

Ordninga med felles stongfiskekort for Jotunheimen fungerer godt, og må vidareførast. Endringane som Lom fjellstyre har foreslått, ser greie og fornuftige ut.

### **Innstilling til vedtak:**

Vågå fjellstyre godkjenner forslag til revidert avtale om fiskekort for Jotunheimen, og dei justeringane som Lom fjellstyre har vedteke i sak 16/21.

**Vedtak:** Samrøystes: Som innstillinga.

*Rett utskrift. Går til:*

Lom fjellstyre

Luster Austre fjellstyre

Vågåmo, 14.04.21

Knut Øyjordet (e.f)